



# Tir Yimiyim

www.tiryimiyim.in

Regd. No. RNI. NAGAAO/ 2004 / 13113. Postal-NE/RN-717.

e-mail : tiryimiyim@gmail.com

TAPAK 10 Yangia anidakangma : Tir Yimiyim tiryimiyim@aolima tir yimiyim TAPAK 7

Abu Dhabi nung asayatsü  
bilemdar: Nadal

Taoba Punjab CM Amarinder  
Singh-i Congress toktsüogo



VOL. XIX ONO. 26 (ADOK 26) DIMAPUR RASEMNÜ (WEDNESDAY) YIMPOKSÜI (NOVEMBER) 03, 2021 ₹ 5.00

## Mangkolemba nung PWD (R&B) EE office shibangtsüogo

**Dimapur, November 2, 2021 (TYO):** Mokochung district kübok Mangkolemba Subdivision nung Civil Society Organisations (CSOs)-i October 26 nü state sorkar nem mapang latetsü saka telangzüba kecha maliba ajanga November 1 nü nisung meyirjang ka shi Zero Point nung adensi aser parnoki tejashi sayua Executive Engineer, PWD R&B office shibangtsüogo.

Longnak nungi Mangkolemba tashi kilometer 11 gari lenmang yanglutsü atema nübertemi küm aika sorkar dang mepishia arur saka tazünga nung dang sendoka yutsüba agi Mangkolemba nung alirtemi tatem tashi nokdaksü akangkanga lemtetogo.

November 1 nü nübertemi timi dang Executive Engineer indang office shibangtsü Mangkolemba Additional Deputy Commissioner (ADC) dang iba osang sangoktsüsü atema aodang ADC-i election mapang sen meshia agiba sülen nenok kechi inyaker ta asüingdanga nübertem maaksüdahtsü.

ADC-i nisungtem adenshia alidak iba olen jembiba ajanga nübertem melapai asatop aser idang pa indang security personnel-i anünglen injang

## Petrol litre nung poisa 35 tuogo

**Guwahati, November 2, 2021 (Agencies):** Tanü agi anogo tenetbuba atongtepa Petrol jenjang tuogo. Ajisiaka, Diesel jenjang nungbo mekongshi lir. Mongulbarnü petrol litre nung poisa 36 atu. Iba ajanga Assam nung petrol litre nung Rs 106.01 kümogo aser diesel litre Rs 98.36 agi ayoker.

Delhi nung petrol jenjang kanga tuogo aser tang litre nung Rs 110.04 kümogo. Külen, diesel litre nung Rs 98.42 lir.

India nung metro ta ajaba yimti pezü nung totzü jenjang tasaktibaji Mumbai nung lir. Mumbai nung petrol litre nung Rs 115.85 aser diesel litre nung Rs

## COVID-19 Nagaland: 9 dak putet, 18 taneptsü angu & 1 asü

**Kohima, November 2, 2021 (TYO):** Mongulbarnü Nagaland nung nisung 9 dak COVID-19 aliba putet, 18 taneptsü angu aser 1 asü.

"Tanü putetertemji Kohima nung 4, Dimapur nung 3 aser Wokha nung 2 lir" ta Integrated Disease Surveillance Project atema State Nodal Officer, Dr Nyanthung Kikon-i ashi.

"Tesüiba ghonda 24 tsüingda COVID-19 puteta alir nisung 18 taneptsü angu. Parnokji Dimapur nung 13, Wokha nung 4 aser Kohima nung 1 lir" ta paisa ashi.

Nisung 31,868 nungi 29,932 taneptsü nguogo aser ibaji taneptsü angur 93.92% lir, ta Dr Kikon-isa ashi.

Tang nisung 205 anepaludar saka parnok 159 dakbo shirangba yimya kecha mali.

Tanü Kohima nung COVID-

kaloktsü saka iba jagi neburtem taliba ain adokdaksü. Ajisiaka, Civil society lenirtemi kanga timtem agia tensa süngjemdakja liasü.

Mangkolemba ADC-i nübertem maaksüdahtsü election nung candidate dang sen yong ayok ta ashiba agi nübertem kanga jashidaktsüogo. Election nung nübertemi sen chitsüba agi lenmang meyanglutsü ta ADC ama kati kuli agütsüba nübertemi magizükteter ta Mangkolemba nung alir kati ashi.

November 2, 2021 nü Executive Engineer office kima nung Mokochung nungi Superintendent Engineer alua CSOs aser Executive Engineer Mangkolemba-i anir staff den mensem ka aliba mapang department-i teinyaktsü ajak inyaka aruba ashi aser office bosa lapokjang ta mepishia liasü.

Ajisiaka, Mangkolemba nung CSOs lenirtemi tebang o magitsü saka tezüluba nung taginüba ama telangzüba magitsü tashi iba maparen tesashiba nung inyaka aotsü ta department dang ashi.

Mensem aliba sülen Mangkolemba ADC dangi orr CSOs terenemba aser department den jembiba osang metetdaksü.

Chennai nunga petrol litre nung Rs 106.66 aser diesel litre nung Rs 102.59 agi ayoker. Kolkata nung petrol litre nung Rs 110.49 aser diesel litre nung Rs 101.56 lir.

Linük nung totzü jenjang tasaktibaji Rajasthan kübok Ganganagar nung lir. Iba tesem nung petrol litre nung Rs 122.70 aser diesel litre nung Rs 113.21 lir.

Taküm October ita nung anogo 24 ben totzü jenjang tuogo. Tanü totzü jenjang reprangshimba züngsema anogo 26 tsüingda petrol litre nung Rs 8.20 tuogo. Kasa mapang diesel litre nunga Rs 8.65 talila tuogo.

19 puteta alir ka asüba züngsema tasür ajak agi 686 kümogo, ta Dr Kikon-isa metetdaksü.

"Hombar tashi nung nisung 711,773 nem COVID-19 vaccine indang dose 12,07,130 agütsüogo" ta State Immunization Officer, Dr Ritu Thurr-ia ashi.

Vaccine agirtemji frontline workers 60,961, healthcare workers 15,998, arishi küm 45 ser temapur 202,528 aser arishi küm 18 nungi 44 tsüingda alir 432,286 lir, ta paisa ashi.

"Vaccine agirtem rongnungi nisung 495,357-i dose anaprong agiogo. Parnokji frontline workers 48,001, healthcare workers 13,381, arishi küm 45 ser temapur 162,070 aser arishi küm 18 nungi 44 tsüingda alir 271,905 lir" ta Dr Thurr-isa metetdaksü.

## Congress-i Nagaland Assembly dang bangzüng meyipa agitsü akhanger

**Dimapur, November 2, 2021 (TYO):** Nagaland Pradesh Congress Committee (NPCC)-i Nagaland Assembly dang August 3, 2021 nü onük pungu bangzüngtepba meyipa agiang ta takhangba agütsüogo.

Nagaland State Assembly-i tesüiba küm 24 tashi jembiba aruba aser tenangzüba agibatem ajak toktsür, India sorkar dang Naga olemtep tenzüksü takhangba agüja iba bangzüng renem, ta NPCC-i ashi.

Nagaland Assembly-i bangzüng renemba nung Intangki National Reserve Forest nungi territorial council ka kümtehtsü shisema lir. Iba ya Intangki Territorial Council mesüra tanga ka tentetsü atema temelaba agütsüba lir, ta parnokisa ashi.

Constitution nung Arlla 3

ajanga Parliament nem state arrtsü ulushitsü, ilashitsü mesüra melenshitsü tashi agütsür. Iba arlla ajanga state tenüng melenshitsü tashi agütsür anungji Nagaland Assembly-i bangzüng renemba meyipa agitsüla ta NPCC-isa metetdaksü.

Naga yimten latetsü atema inyakba mapa nung temelenshi ka aruogo. Taoba mapang Naga nung aliba tesem ajak adentsü indang jembiba aru saka tangbo Nagaland state sasep nung dang jembir, ta parnokisa ashi.

August 3, 2015 nü Prime Minister'er kidang NSCN (IM) den sign asüba Framework Agreement nung 'Union of India sasep nung iba yimten khuret angatetteptsü' molungteptogo. State arrtsütem memelenshitsü aser India sorkari pei sasa yimsü asütsü aser ali

lokteptsübaji tamakoktsü ta ashiba onüktem agizük, ta NPCC-isa ashi.

Naga National Political Groups indang Working Committee-ia November 17, 2017 nü India sorkar den Agreed Position nung sign asü aser October 31 nung Nagaland atema olemtepba tembanga liasü.

Nagaland kin hoho tem, Nagaland Gaon Bura Federation aser civil society temi Working Committee indang Agreed Position mapa kuma inyaktsü atema pusema nungit, ta NPCC-isa metetdaksü.

Naga yimten olemtep nung sendaktepa alir ajaki tekaratiba nung telemteba agitsü atema bilemer saka Nagaland state sorkari ozüing mamshitetba ajanga olemtep tenzüksütsü aser teyariteper ka ta tenüng amer ali agütsütsü meranger ta NPCC-isa ashi.

## Nagaland indang ali inch ka danga magütsütsü: NTC

**Dimapur, November 2, 2021 (TYO):** Naga yimten olemtep tatembang kati arur ta jembiba mapang Nagaland Tribes Council (NTC)-i Nagaland indang ali inch ka danga magütsütsü ta nenshia metetdaksüogo.

India sorkari yimten olemteperem peladaktsütsü atema Nagaland nung nija ali kar agütsütsü akok ta Nagaland nung alirtemi bilemer ta NTC-i sangdong ka nung ashi.

Nagaland den kidanger state tem indang ali kümzüka ayuba ama Nagaland state indang ali-a kümzüka ayutsüla, ta parnokisa ashi.

Intangki National Park aser Nagaland Dimapur nungi Tizit tashi Special Development Zones nungi

ali agütsüra lendong ajurutsü. Centre mesüra Nagaland sorkari Naga nung aliba tesemtem Nagaland state nung medandaktsü, lisopur ali kiburtem nem bendangertem tashiyim agi lidaktsütsü atema mapa meinyaktsüla ta NTC-isa metetdaksü.

Nagaland nung Naga nungeri nütsüing yongsük aniokba magizüker. Ali kibur temeten ya kanga tongtipang lir aser akhümtsübuttsüla, ta parnokisa ashi.

Naga nung aliba tesemtem Nagaland nung zükloktsübaaji tamakoktsü süra onoki nütsüing aniokba dangbo magizüker, ta parnokisa ashi.

India sorkari Pan Naga HoHo

(PNH) ta ser sobaliba telok ka tentetsü aser senotsü teyari agütsütsü akok saka onoki PNH tentetba ajanga timtem ajurutsü tsübur. PNH indang alizüingji Naga nung sobaliba, inyaksangshi aser tamangba yimsü dak sendaka lir saka Constitution nung Arlla 371A ajanga Nagaland state nem tashi agüja lir, ta NTC-isa metetdaksü.

Centre-i Arlla 371A kübok aliba tashitem amshitsü atema ano tanga telok ka nem temelaba agütsür, iba ajanga tetsükdaktsü ajurutsü aser Nagaland nung aliba Naga nungeri temeten nung kongshitsü. PNH tentetra Nagaland nung PNH indang headquarters melapoktsüla, ta Nagaland Tribes Council (NTC)-i metetdaksü.

## Oct 30 nü by-election agiba votes züngogo

**New Delhi, November 2, 2021 (Agencies):** October 30, 2021 nü assembly menden 29 aser Lok Sabha menden 3 atema by-election agiba votes züngogo.

West Bengal nung Trinamool Congress-i assembly menden pezüprong nung takok nguogo aser Udayan Guha-i Dinhat constituency nung votes 1,63,005 agi takok angu. Taoba mapang iba menden ya BJP-i takok ngua liasü.

Külen, Congress-ia Himachal aser Rajasthan by-election nung takok tulu nguogo. Congress-i Himachal Pradesh nung BJP ket nungi Mandi Lok Sabha menden den assembly menden asemprong nung takok angu.

Rajasthan nunga Congress-i Dhariawad aser Vallabhnagar assembly constituency tem nung takok nguogo.

Madhya Pradesh kübok Raigaon nunga Congress-i takok

angu. Iba menden ya küm 31 tashi BJP ket nung liasü saka tan by-election nung Congress candidate-i takok ngutetogo. Karnataka aser Maharashtra nunga Congress-i menden kaka nung takok angu saka MP kübok Jobat aser Prithvipur assembly menden ana BJP nem agütsü.

Assam nung BJP-i aniba teloktepi assembly menden punguprong nung takok angu. BJP-isa Telangana kübok Huzurabad menden TRS ket nungi angu aser Karnataka kübok Sindagi nunga parnoki takok angu.

Tang aluyimertemi lungkak aitiba mapang Haryana kübok Ellenabad menden nung INLD candidate Abhay Chautala-i BJP-JJP candidate madak takok nguogo.

Bihar nung ruling JD(U)-i Kusheshwar Asthan aser Tarapur assembly menden anaprong nung takok angu.

Dadra and Nagar Haveli Lok Sabha menden nung Shiv Sena party-i takok angu. Külen, NPP-i aniba Meghalaya Democratic Alliance-ia assembly menden asemprong nung takok angu. Parnoki Congress ket nungi Rajabala aser Mawryngkneng menditem ngutetogo.

Lok Sabha menden 3 aser Assembly constituency menden 29 nung by-election agidang vote agütsür 50 % nungi 80% shi liasü.

By-election agibaji Assam nung menden 5, West Bengal nung 4, Madhya Pradesh, Himachal Pradesh o Meghalaya nung asemsem (3), Bihar, Karnataka o Rajasthan nung anana (2) aser Andhra Pradesh, Haryana, Maharashtra, Mizoram o Telangana nung kaka (1) liasü.

Assembly menden 29 nungi BJP-i 6 aser Congress-i 9 bena liasü aser tanüngbatemji regional party tem ket nung liasü.

## New Delhi nung 'Destination North East India' amonger

**New Delhi, November 2, 2021 (Agencies):** India nüjiso anguba sülen küm 75 ajungba tenüng nung amongba Azadi Ka Amrit Mahotsav nung shilem ka ama National Museum, New Delhi-i North East India indang sobaliba benjunger.

Iba benjung ya Ministry of DoNER aser NEC kübok "Destination North East India" ta ser amonger.

National Museum nung November 1, 2021 nü iba benjung lapokogo aser November 7, 2021 tashi amongtsü. Mongulbarnü amongba Destination North East India benjung nung Manipur, Sikkim, Assam aser Mizoram nungi ken aser tsüingsangtem sayua liasü.

Sobaliba sentong agiba den külemi Prof. Charusmita Gupta-i "Textiles of the Northeast India"

onük nung interactive online lecture ka agia liasü.

Asüing agitsüba sentong nung Folk Fusion Song, Kabui Naga Dance, Blind Fold Act, Bamboo Dance, Nagaland Folk performance aser Kabui Naga Dance shilemtem agitsü.

Sobaliba sentongji National Museum indang Social Media handles ajanga live sayutsü.

## Dimapur nung New India @75 awareness campaign tenzük



**Dimapur, Yimpoksüi/Nov. 02 (TYO):** India nüjiso ngur küm 75 ajungba nungtem nung aser 2022 küm atema National AIDS Control Organization (NACO), Ministry of Health & Family Welfare ajanga New India @75 campaign tenzük liasü, kong phase asem kuma lemsar HIV, TB aser Blood donation nung awareness agütsü. HIV/TB nungi kumzük alitsü atema osang sangdong, item tashidak menatepa aoba indang angatetsü, HIV/AIDS aser TB tashidak keter aliba nisungtem mejungi amshiba aser sempa amshiba ajemdaksütsü aser ano lanurtem azü tenla agütsütsü ajungsemotsü nükjidong nung iba campaign ya tenzük.

Iba campaign agitsü atema District Level Committee ka tenteta liasü, kong Rajesh Soundararajan, IAS, Deputy Commissioner, Dimapur mendenpuba aser Dr. I. Moatemjen, CMO, Dimapur ya Member Secretary liasü. Maneni campaign ajunga nung awareness, sabang balala nung

sangdong aser HIV, TB aser Blood donation omen nung tetoktepba balala asadangtsü atema sub-committee ka tenteta liasü.

Awareness campaign ya District AIDS Prevention & Control Unit (DAPCU) aser District Tuberculosis Officer, Dimapur lenisüba kübok agia liasü aser Dimapur district kübok school aser college balala nung HIV, TB aser Blood donation indang awareness camp ayongzük liasü.

Iba awareness campaign mezüngbuba phase nung college tem rongnungi Pranabananda Women's College, Public College of Commerce & Arts, Sakus Mission College, SD Jain Girls' College, Yemhi College, Immanuel College aser City College of Arts & Commerce awajema liasü.

Kasa mapang school tem rongnung Carmel Higher Secondary School, Holy Child School, Holy Cross Higher Secondary School, Little Star Higher Secondary School, St. Paul Higher Secondary School

aser St. Joseph Higher Secondary School tem nung kasa awareness sentong ya ayongzük liasü.

Iba campaign nungya school aser college tem atema HIV, TB aser Blood donation omen nung ajemdaker tetoktepba agia liasü.

School nung tetoktepba ya Paint your thought (Face painting/ Mask painting) aser Voice your thought (Spoken word competition) nung agia liasü aser college nung Publicize your thought (Poster making) aser Film your thought (short video/ documentary) nung tetoktepba agia liasü.

Entries ajunga aruba sülen Dy. CMO, Dist. Education Officer aser DPO, DAPCU, Dimapur nungertem aliba screening committee ajanga tendanga shimtet aser November 2, 2021 nü sangdonga liasü.

Takok angur nem EAC (Development), Dimapur ajanga Dy. CMO aser DTO, Dimapur nungertem lia sempet agüja liasü.

## Kohima district indang Draft Electoral roll renema lir

**Dimapur, Yimpoksüi/Nov. 02 (TYO):** Registration of Electors Rules, 1960 nung aliba ama draft electoral roll renemogo, ta 8-Western Angami, 9-Kohima Town, 10-Northern Angami-I, 11-Northern Angami-II, 12-Tseminyu, 14-Southern Angami-I aser 15-Southern Angami-II Assembly Constituencies tem nung aliba nüburtem nem sangdong ka

ajanga metetdaksü.

Iba indang copy ya repringdangtsü atema Office of Deputy Commissioner Kohima aser Polling Station nung office lapoka aliba mapang angutsü.

Electoral roll renemtsü atema qualifying date ya 01.01.2022 alitsü. Roll nung tenüng inoksemsü lira mesüra tenüng inokba nung tai aputsü lira mesüra ano tai aputsü kar danga lira

November 30, 2021 tashinung Form 6, 6A, 7, 8 mesüra 8A tapetba nung agütsütsü.

Item temotongshitsü mesüra tai apuba ya shia aliba anogo matongdang DC indang office mesüra Booth Level Officer mesüra "Addl. Deputy Commissioner & Electoral Registration Officer, Kohima: Nagaland" nem post ajanga agütsütsü, ta sangdong ajangasa ashi.



Dimapur nung nüburtem asoshi Indisen yimtak tenteta aliba HORUA Welfare Society purtemi November 1, 2021 nü Indisen yim ajanga aoba National Highway 29 lenmang nung tapok atepa mapa inyaksüba noksa nung angur. Iba lenmang ya mapang talangka kanga mejungi aruba ajanga iba lenmang nung jajartem timtem balala ajurua liasü.

## Transport Department ajanga metetdaksü

**Dimapur, Yimpoksüi/Nov. 02 (TYO):** Gari aika kibur road tax khen nung aika NIC ajanga menokdaksütsü atema Ministry of Road Transport and Highways (MVL Section) ajanga PARIVAHAN portal nung sabang agüja lir, ta

Transport Department ajanga sangdong ka nung metetdaksü. Anungji tang nungi tenzük State nung gari aika aliba kiburtemi gari balala indang road tax ya NIC ajanga agütsüba portal nungi menoktetsü, ta sangdong ajanga ashi.

## LMO atema Logistics Sector Skill Council nem mapa nungloktsü

**Dimapur, Yimpoksüi/Nov. 02 (TYO):** COVID-19 tashidak wara wave tasembuba arunungbo Liquid Medical Oxygen (LMO) payimi lemsatsütsü asoshi Liquefied Medical Oxygen (LMO) tankers atema driver 2,800 nem capacity building atema Logistics Sector Skill Council (LSC) nem nungloktsüogo, ta Department of Transport ajanga sangdong ka nung ashi.

Anungji item amshiba department ajungai Carriage of Hazardous Material aser LMO Carriage atema Logistic Sector Skill Council ajanga agütsüba kulizüng agizüktsüla aser Central Motor Vehicles Rules, 1989 indang Rule 9 kübok mela aliba ama nisung takum asoshi lendong aketba osettsüset abenba gari anitsü temelaba agütsütsüla, ta sangdong ajanga ashi.

## Nagas 80 Plus kaket ka sayatsü

**Dimapur, Yimpoksüi/Nov. 02 (TYO):** Nagas 80 Plus nungja agütsür kaket ka November 17, 2021 nü Kohima nung Nagaland Baptist Church Council (NBCC) General Secretary, Rev. Dr. Zelhu Keyho-i sayatsütsü.

Iba kaket nungya otsü 42 lir, koba arishi küm nungi temai züluba lir aser parnok ya Nagaland nung yimten yimsüsür, linük tenzük, tashi-temeter, educationalists/tesayur, sorkar ketdangür aser kin balala lenirtemi alitsü.

Iba kaket sayaba sentong nung kaket zülurtem den parnok chirnurtem, Kohima town telungzük aser temeket nungi arogo, Bible seminaries/college, Kohima Village Council, NSF, APO, AWO, AYO, ASU nungia arua adentsü jaoker, ta sangdong ka ajanga ashi.

Ajidang masü iba sentong nung shilem agütsü jangra alirtemi Email ID: rajuselielhouasa@gmail.com ajanga contact number agüja tongteprateptsü akok, ta sangdong ajanga ashi.

## Governor's Gold Medal/Commendation Certificate atema metetdaksü

**Dimapur, Yimpoksüi/Nov. 02 (TYO):** Republic Day, 26th January 2022 nung Governor's Gold Medal/Governor's Commendation Certificates agütsütsü temsüa alirtem tenting meshir, ta Home Department ajanga sangdong ka nung ashi.

Temsüa alirtem indang Citations/Recommendations ya Special Secretary (Home) Nagaland, Kohima dangi November 30, 2021 tashinung yoktsüla. Citations/Recommendations yokba mapang tsünglanglen agüja aliba totuyuba nung shidak anidaksüla:-

1. Annexure-"A" nung agüja aliba format nung candidates indang tejangja agütsütsüla.
2. Non Gazetted staff tem atema Citations/Recommendations ya Head of Department ajanga agütsütsüla.
3. Departments/Directorates balala kübok inyakba Gazetted Officer atema Citations/Recommendations ya tsünglanglen agüja aliba kübok tim lenmang nungi agütsütsüla:-Head of Department to Administrative Head of Department to Special Secretary, Home
4. Police, Home Guards, Prison aser Fire Services atema recommendations

ya pei Director Generals/Head of the Department nungi Special Secretary, Home nem agütsütsüla.

5. Non-Gazetted Staff atema Citations/Recommendations copy 6 (Six) nung Head of Department ajanga meyongnem agütsütsüla aser Gazetted Officer atema Head of Department & Administrative Head of Department ajanga meyongnem agütsür iba den soft copy yoktsüla.

6. Citations/Recommendations ya tetangshi aser tenüng agütsüsangi inyakba aser takok anguba metetdaksütsüla.

7. Forwarding authority ajanga Integrity Certificate nung meyongnem agütsütsüla.

8. NGO's/Kija aser Establishment of the Deputy Commissioners kübok inyaker temsüa alirtem atema tsünglanglen agüja aliba tim lenmang nungi agütsütsüla:-Dy. Commissioner of the District Concerned to Commissioner, Nagaland to Special Secretary, Home.

9. Deputy Commissioner nungi indang-indanga aruba Citations/Recommendations magizüktsü.

# Assam by-election nung BJP aser UPPL-i takok tulu nguogo

**Guwahati, November 2, 2021 (Agencies):** Assam by-election nung BJP aser parnok den yariteper UPPL-i takok tulu nguogo. Assam nung by-election agiba constituency pungprong nung BJP aser parnok den yariteper temi dang takok angu. Gossaigaon By-elections: UPPL candidate Jiron Basumatary-i takok angu. Basumatary-i Congress candidate Jowel Tudu madak votes 28,252 agi takok angu. BTC tanishir Pramod Boro-i aniba UPPL ya Assam nung BJP den yaritepba telok

Thowra by-elections: Thowra nungi BJP candidate Sushanta Borgohain-i takok nguogo. Borgohain-i independent candidate Dhajiya Konwar madak votes 30,561 agi takok angu. Bhabanipur by-elections: BJP candidate Phanidhar Talukdar-i Bhabanipur constituency nungi takok angu. Pai Congress candidate Sailendra Nath Das madak votes 25641 agi takok angu. Mariani by-elections: Mariani nungi BJP candidate Rupjyoti Kurmi-i takok angu.

Pai Congress candidate Luhit Konwar madak votes 55489 agi takok angu. Tamulpur by-elections: Tamulpur constituency nung UPPL candidate Jolen Daimary-i takok angu. Pai independent candidate Ganesh Kachary madak votes 50,000 temai takok angu. Mongulbarne 8:00 ako meta nungi votes azüngtsü tenzük. Assam nung Assembly constituency 5- Gossaigaon, Bhabanipur, Tamulpur, Mariani aser Thowra nung October 30, 2021 nü by-election agia liasü.

# Meghalaya by-election nung MDA-i takok angu

**Shillong, November 2, 2021 (Agencies):** Meghalaya Democratic Alliance (MDA)-i assembly menden asem nung takok nguogo. Chief minister Conrad Sangma-i aniba National People's Party (NPP) ajanga menden 2 aser parnok den yariteper United Democratic Party (UDP)-i menden 1 nung takok angu. Rajabala constituency nung NPP candidate Abdus Saleh

Mawryngkneng constituency nung NPP candidate Pyniaid Sing Syiem nati takok angu. Külen, Mawphlang constituency nung UDP candidate Eugenson Lyngdoh-i takok angu. Meghalaya nung opposition Congress-i by-election nung menden ka nung danga takok mengutet. Congress-i menden ana tashi NPP tsüngdang tamakok angu.

**GOVERNMENT OF NAGALAND  
DIRECTORATE OF INDUSTRIES & COMMERCE  
industrynaga@gmail.com**

**ADVERTISEMENT**

**Dated Kohima, the 2nd November 2021**

NO.IND/DEV/HORNBILL/314/03 (Vol-II) : Interested Entrepreneurs those who are expert on Indigenous Local Produce are hereby invited for allotment of stall at the Exhibition cum Sale of Handloom & Handicraft Products.

1. Bamboo Pavilion, Naga Heritage Village at Kisama during the Hornbill Festival from 1st to 10th December 2021.

Stall will be allotted to the selected entrepreneurs by the Selection Committee of the Department

Application in plain paper along with sample with detailed items to be displayed/exhibited/proper authentic address and contact number be submitted to the Directorate of Industries & Commerce (Room No-73, Top-Floor), Kohima on or before 12th November 2021. All the sample items will be screened by the Committee for all the participants and the selected participants should strictly adhere to display the items produce by them. Selected participants those who display readymade items/products will not be allowed to participate in the Exhibition. No applications will be entertained after the last date of submission

Sd/-  
(K. Hokishe Assumi)  
Director of Industries & Commerce.

Issued by DIPR

# Assam nung tanur tetsür ka yokdokba kümzük

**Guwahati, November 2, 2021 (Agencies):** Assam kübok Sonitpur district nungi anir oa Arunachal Pradesh nung yokdokba tanur tetsür ka kümzükogo. Sonitpur police telok kati Deobarnü arishi küm 13 tain tanur kümzük. La ya Rs 1 lakh agi yokdokba liasü aser Tezpur kübok Poruwa nungi kümzük. Tanur shibelenba atema police-isa tetsür ka dena nisung 3 puogo. Parnokji Dul Baruah, Pravin Khandwal aser pa kinungtsü Sumi Khandwal nunger ta jangjaogo.

Tanutsüla ya August 5 nungi samar bushitepa aru aser lar kinungertemi Tezpur police station nung nisung samaba ken o ka benoka liasü. "Police-i bushisüngdang tenzükdang Gingia Biswanath Chariali nung alir arishi küm 47 tain Dul Baruah-i tanutsüla Arunachal Pradesh-i anir oa Rs 1 lakh agi yokdokba osang angazük" ta ketdangsur kati ashi. Sonitpur district police telok kati tanutsüla Poruwa nung lia kümzük. Police-isa nisung purtem ket nungi Rs 48,000 ngutetogo.

**GOVERNMENT OF NAGALAND  
DIRECTORATE OF TECHNICAL EDUCATION  
NAGALAND: KOHIMA**

**NO : DTE/CSAB-NEUT/1/2018-19 Kohima, dated the 1st Nov, 2021**

**NOTIFICATION**

This is to inform all the JEE-MAIN (2021) candidates that Central Seat Allocation Board (CSAB) - NEUT, 2021 have come up with the tentative schedule for registration and online counseling for the State reserved quota supernumerary seats allotted to the State of Nagaland by the Ministry of Human Resource and Development (Ministry of Education). In this regard, students are advised to abide by the schedule and also visit the official website of the Department www.dtenagaland.org.in time to time for any changes or updates on CSAB -NEUT 2021.

S. No	Event	Duration
1.	Online provisional Registration and uploading of documents / response by candidate to query (if required). [Engg. & Arch.]	November 6 – November 19, 2021
2.*	? Online provisional Registration, <b>uploading</b> of documents / response by candidate to query (if required) [Pharmacy] ? Checking of documents including domicile and category certificates by state centers and finalization of registration [Pharmacy] ? Filling Up the Choices [Pharmacy]	November 6 – November 19, 2021
3.	Checking of documents including domicile and category certificates by the DTEs of respective North Eastern States/UTs/NERIST, response by candidate to query (if required), Finalization of registration [Engg. & Arch.]	November 7 – November 20, 2021
4.	Filling Up the Choices <b>Starts</b> [Engg. & Arch.] (Candidates will be permitted to fill choices only after successful registration and document verification)	November 07, 2021
5.	Filling up of Choices <b>Ends</b> [Engg. & Arch. only]	November 21, 2021
6.	Reconciliation of data, verification and validation of allocated seats (by NIC, CSAB, DTEs of states/UTs/NERIST) <b>First Round of Seat Allotment</b>	November 22-27, 2021 November 28, 2021
7.	<b>Online reporting:</b> Online payment of counseling and seat allotment/acceptance fee of <b>Rs. 3,000/-</b> and exercising options (Float/Slide/Freeze) by the candidates who have been allotted seats against first Round of allotment. (Candidates exercising the Freeze option can download Allotment Letter and Provisional Admission Letter and proceed for final admission at allotted Institute as per schedule)	November 29-December 04, 2021
8.	Reconciliation of data, verification and validation of allocated seats (by NIC, CSAB, DTEs of states/UTs/NERIST) <b>Second Round of Seat Allotment</b>	December 05, 2021-December 08, 2021 December 09, 2021
9.	<b>Online reporting:</b> Online payment of seat acceptance fee of <b>Rs. 3,000/-</b> by the candidates who have been allotted seats against 2 <sup>nd</sup> Round of allotment. (Candidates can download Allotment Letter and Provisional Admission Letter and proceed for final admission at allotted Institute as per schedule)	December 10-12, 2021
10.	Seat Withdrawal	December 13-15, 2021
11.	Reporting at the admitting Institute	December 20-24, 2021

(ER. VIPULHOU LHOUNGU)  
JOINT DIRECTOR  
CENTRE-IN-CHARGE

Issued by DIPR

# Meghalaya nung Rs 2 crore jenjang heroin apu



**Shillong, November 2, 2021 (Agencies):** Meghalaya kübok East Khasi Hills district nung police-i ozüng alema mozü shibelener nisung 3 apu. Parnok ket nungi Rs 2 crore alang heroin seret 1 tema apu. Meghalaya yimtiba Shillong nung police-i mozü apu. Manipur nungi Shillong-i

aruba gari ka nung mozüji sapon pongdang 100 nung enoker bena liasü. Idangji police-i mozü bena alir nisung ana apu aser tatsüka lir külen mozü agizükba nisungjia apu. Heroin ji Myanmar nungi bener arua Shillong nung ayoktsüba liasü ta bushisüngdang asü dang putetogo.

# Mizoram by-election nung MNF candidate-i takok angu

**Aizawl, November 2, 2021 (Agencies):** Mizoram by-election 2021 nung Mizo National Front candidate K. Laldawngliana-i takok nguogo. Laldawngliana-i Zoram People's Movement (ZPM) candidate Laltlanmawia madak votes 1,284 agi takok angu. Tuirial assembly

constituency indang by-election nung candidate ajak agi 4 liasü. Laldawngliana-i votes 5,820 aser Laltlanmawia-i 4,536 votes nguteta liasü. Külen, tasembuba nung Congress candidate Chalrosanga Ralte-i votes 3,927 aser BJP candidate K. Laldinthara-i vote 246 angu.



## TIR YIMYIM YIMOBILEM (EDITORIAL)

DIMAPUR RASEMNÜ, YIMPOKSÜI (NOVEMBER) 03, 2021

### Nübertem timtemba ola

**M**angkolemba leni aoba gari lenmang majungbaji tesenzürtemiang meteta lir. Onsara majung. Iba jagi, timtem marem, khen khen arogo nungertemi yangluli aser khenkhen yimtaklirtemi nübo aser rongsen tenla agüja yangluli ta aruogo. Nagaland nungsa süaka iba lenmang yabo kibur mali ama, tzunglu arudanga lishi agi tejaja majung aser anü apudanga auyi agi longpanga yur mouteter ta küm aika nübertem timtema arur. Atangji, tang alima aso 21 buba nung iba ama lenmang tamajung nung nübertem jasadaktsübaji yimsüsürtemi asaa nübertem kangshiba aser maksüdaktsüba mapa ka lir. Aji oda, iba ama timtem aser maksü aremer maremtet, yakanü Mangkolemba nung alir nübertemi Mangkolemba nung tuluba aser tekolakba Additional Deputy Commisisoner ajurua, pa dena anogo shia jajaba gari lenmang yanglutsü nungdakba indang shisalemsateptsü atongba sentongji sentong tajung ka liasü. Shitakba agibo, nübertemi yimkong jajatsüba lenmang yanglushitsü asoshi Administration dang mashi dang, Administration-iang tama nübertem bushia government den jembitsütsüla. Iba atemaji District aser Sub-dvision nung Administration ayur. Ajisüaka, yashi Mangkolemba nung Administration-i nübertem den kasa khuret lemsatepa lenmang yanglutsü asoshi shisa tajung lemsateptsü melen, nübertem dang election nung sen yong vote ayokba agi lenmang meyanglutsür ta ashibaji Administration-i jembitsüba o ka masü jembia nübertem maksüdaktsüogo. Tanü Mangkolemba nung dang masü saka Nagaland ajaklen gari lenmang majungba agi nübertem timtem takoksa anguba ya, shitakbabo, election nung nübertemi pei vote sen agi ayokba agi masü saka tulurtemi dena nübertem meima anepalutsü melen, nübertem dak tai dang repranga maksütsütsü bilemba shisatsü aketba ajanga lir. Atangji, Nagaland nung election mapang nübertemi pei vote senyong mayoker ta masü ayoker, saka iba jagi nübertem lenmang tamajung nung dang jajatsüla ta angatetba tulus kolokji kechi kolok asütsü ? Election nung sen agi vote alia adok aser government akümji, government mozü ki aser government school ki ajak shibangtsü asü ? Light kenyongi meyoxtsü asü ? Terenlok mapatem inyaksü yokba sen ajunga mapa meinyak ser ketdangser aser yimsüsür lema agitsü asü ? Ibaji kong zülua ali aser kodang jembia ali ? Aji oda, tanü putu nung Nagaland nung sen agi vote alia election nung adokba yimsüsür lira, iba takokjibo shitakba takok masü taila takok asütsü. Iba takok kuli kaketjibo taila matric certificate sen agi alia ayuba ama dang lir. Iba ama takok jagi tanü nübertem kangshir. Aji oda, election nung sen agi adokji nübertem asoshi kecha meinyaktsüli süra, nübertem alidak administration aser department office kecha menüngdaker. Ajakji Kohima nung adenshia angati ita sen chia amongtsüla. Ashi, shitakba nübertem alidak administration alibaji ST certificate ama kija yanglua amongtsüba masü saka pa mesüra la alidak nübertem jajaba lenmang koma ali ? Tzü tajemtsü shitak angur asü mangur ? Light junga arur asü marur ? Mozü kidang nübertem tanepstü angutsüsa nungdak peria ali mali ? Kaketrejutem shitak aoer asü maor ? Government nungi kechisarina teyari aruba shitak agizüka amshir asü mamshir ? ta nübertem nungdak anogo shia repranga inyaksütsü asoshi ita sen tajung den gari dena agütsür ayur. Shitakba agi, pa mesüra la alidak lenmang majungbaji nübertemi ola madokyonga Administration-i government dang shijen shia inyadakttsütsüla. Aji pa mesüra la mapa. Administration-ji government o nübertem na tsungda nungdak anepalutsürtem lir. Atangji, nübertem asoshi inyaksü telemtetbatembo government-i agitsü, anungji nübertemia government ajurua jembitetsüla. Government-ji Tsungrema masü aser satan-a masü, saka nübertemi election nung adokdaktsüba yimsüsürtem lir. Itemji bushia aotsü masü, jaoktsüla. Mangkolemba nung nübertem timtem maksü marem ayimtenba ola ya parnok kija ola masü asenok ajak ola asütsüla. Joko, ola madoktettsüsabo asenok melilli, kechiyong ola madokibo alima meyanglushitetsü.

## OLEMSABANG

### MANGKOLEMBA NUNG NÜBURTEMI LONGKAK AITBAJI KANGA TIM

- Wati Longchar (Serampore)

Mangkolemba nung nüburtemi lemnan yanglujang ta longkak aitba tim aser Govt. tashi mait, tamakok sayur. Kechiba kümsasa küm lenmang meyanglutsür, Jangpetkong aser Japokong nungi shirnok tata menden nung mena lir parnoki nüburtem dang kuli ashitsüla. Protest asüba ya Khristan teinyaktsü tongtibang ka lir. Kodang asenoki "Protest" ta südir, azü tokshia prangpong amer nisung kaseta, kiojen raksaja, rongdokja raraba amai bilemer. Iba dang ya protest ta majar, saka violence ta ajar. Khristan kati azütokshia lendong adokdaktsüba mapatemji aitsütsüla aser yimjung asoshi inyaksübaji tim. Saka küm aika dang lenmang meyanglutsü yutsüba anema nüburtemi noktakbaji tim inyakogo. Ochi nung ammeter ochi mashi mapa anema lokti ajungtsü asoshi ochi matalokdaktsü tashi longkak aitbaji tim aser ibala mapa nungji arogo aser civil society balalai nungitetsüla. Political motive kecha makai Khristani protest mapa balala ayongtsü aser inyaksü akok. Tat. agi, procession ayongba, hunger strike, tenla kidang ochimashi anema Lai O sayuba, lokti senden balala nung lecture agütsüba, pamphlet, sticker, a.a. ajanga tai tutet sayutsübaji citizen right. NBCCi anir yi tongpang nung raraogo, aser paper nung dang asüba agi dangashi takok nguogo ta shitet. Alima otsü nung protest ajanga temelenshi bener arutsüba aika angur. Martin Luther, Calvin, Abraham Lincoln, Martin Luther King, Jr, Elizabeth Cady Stanton, Bonheoffer, a.a. parnoki anir protest asüba ajanga temelenshi adoktsüba angur. Laishiba nunga lenir, ainkartem kodang ochi asoshi protest asü YSS nung Zulu Jamir-i tatishitsü aika shiogo, aika dang angutsü aser protest asüba ajak nungji temelenshi bener arutsüba angutsü. Alima otsü nung azüklen/tekalen alir nungi temelenshi bener arutsüba mangutsü, saka nüburtem shirnok nem basic rights magütsü ali parnoki ola adokba ajanga dang temelenshi bener arutsüba angutsü. Nüburtemi ochi ola madokra tulurtem aser yimsüsür asoshi tepelatsü dang aser parnoki nüburtem asoshi kecha meinyaktsü. Lokti terenlok sen ajak parnoki dang agiadoktsü. Aji tanü Nagaland nung asangsang ataloka lir. Mapa meinyak, saka sen agiadokba state ka kümogo. Mapa kar inyakbaji leniri pei jurilai donation agütsür inyakba amai khoang küma jembiba angutsü saka aji pa/la sen masü, public sen ta metettsüla. Ashiko Aor yimsüsürtem aikati kasaji inyaka alitsü shibai metet. Latin American nunger theologian Gustavo Gutierrez-i yamai ashi, "We worship God by doing justice." Tenla kidang dang masü saka mapa balala nung sotaka inyakdang, office nung ochi inyakba, ochimashi mapa ochi agi confront asüba, tasü tait ola adokba ajak ya part of worship ta angatetsüla. Iba yongji Korea nungbo mapang shia arogo nüburtem ayongtena koda ochimashi mapatem anema protest asütsü ibalaji training agütsür aser ochi movement tenzüktsür aser ajungmesor. Asen lima temelenshi adokdaktsünera ochi nung akhang akhanga ammeter protest mapang shia aotsübaji arogo tenyaba mapa tongtibang shilem ka lir ta angatetdi.

### SÜNGYANGLU "IDOL" INDANG KÜ TANGATETBA

- R. Imkong Lkr, Mangimen

Kodang Israel purtem Ijip lima nungi Mosa ajanga Tsungremi aniteter adok, iba mapang nung tu parnok arem nung nemtena annir senzüyaa alitang Sinai tenem anasai aru, iba mapang nungji parnok lennir Mosa tu Tsungrem den ajuruteptsü Sinai tenemi tur aliba mapang nung joko anogo aika tenem nungjagi malui liasü. Iba mapang nungji Israel nüburtemi kanga nemnema ashi, asen lennir Mosa tu kechi aküm arr memetet, anungji onok len anitsü asoshi tsungrem ka yanglujang ta Mosa tedi Aron tang ayimtena ashi. Anungji Aron-i parnok tetsürtem aser jala jabasotem ket nungi Hon küritem agizükdakja benden, aser iba nungjagi parnoki nashi süngyanglu ka mulua yanglu. Idangji nüburtemi ashi, O Israel, ibai asenok tsungremji lir, shibai asenok Ijip lima nungi yagi annir arua lir! ta pelatep meso. Anitet 32:1-4.

Mezüngbo Israel nüburtemi tsungpret pereta tsungmok ola tulu den jangzü ola angashi, aser tenem nungji mokozü longa angu, idangji parnoki tetsübu agi atenten, aser talangka pilaa oa noktak. Aser parnoki Mosa tang ashi, nai onok den jembiangma aser onoki aji angadi, saka onok süadoka lir Tsungremi onok denbo tejembidaktsüma. Anitet 20:18-19.

Yamaji Israel nüburtemi mezüngbo Tsungrem sayatenyatem angudang kanga tsüba liasü ta temeshi lai Anitet tapu nungji shia angur. Saka tesülen mapang tatsüka liyonga aotang oda odabo Israel nüburtemi kibuba Tsungrem tu amatok aser Mosa o Aron na anema apuso. Kodang parnok Ijip lima nung liasü, parnoki Ijip nungertemi süngyanglu külemba ngua liasü, saka tesülenbo Israel purtemi parnok len annitsü (annitsü) atema Sinai tenemtsung nung alitang süngyanglu nashi ka Hon agi muluteta külemba lai ajanga angur. Iba süngyanglu ya parnoki mezüngpuba yanglua külemba liasü ta lai ajanga kuli sayur.

(Maneni asüng adok nungi...)

**Iba Olemsabang nung lemsaba ken-o aser shisatsü ya iba ocet züluri  
bilemba ken-o ama tazünger angateta agitsü mepishir**

## Naga Christian Fellowship Dibrugarh Golden Jubilee among



**Dimapur, Yimpoksüi/ November 02 (TYO):** October 31, 2021 nü Naga Christian Fellowship Dibrugarh kum 50 Jubilee sentong mongogo; iba sentong nung jembidang 47buba Aboi Assembly Constituency nungi MLA, E Eshak Hessum-i, tanü asen Naga nunger loktiliba nung telemsa adokogo aser lokti aser associations telemsa aika lir, yamaji Arogo aser kaketshir tentetema nungja aser tangatetba balala nung tenteter, ta metetdaksü.

MLA-isa, Arogo aser kaketshir tentettemji yimjung aser telongjem tamendakdak sudaktsütsüla, ta ashiba den külemi, Jubilee ya tai atoktba, tanela tasen aser telongjem nung tejakleni aotsü atema temaitsü ka lir, ta ashi.

Hessum-i, NCF ya tanela tsütsü inyakba dang masü saka shisa lemsatepba aser sobaliba lemsatepba sabang ka sudaktsütsüla, kechiyong loktiliba nung temelenshi adoktsü atema shisa lemsatep nungdaker, ta ashi.

"Lanurtemi anüdoklen lima sobaliba benshir aser asen sobaliba den maitsü sendoker;

sobalibaji asen maitsü lir aser asen loktiliba tanüandangtsü lir," ta pai ashi.

Jubilee sentong nungsa jembidang Nagaland Baptist Churches Council (NBCC) General Secretary, Rev. Dr. Zelhou Keyho-i, kum 50 abensaba ajanga Naga Christian Fellowship mangdang ataloktsür- aser ibaji lanurtem longjemmer tekülem agitsü atema lir, ta ashi.

"India kübok Northeast region nung Khristan yimsü arur kum 183 jungogo, aser NCF Ministries tejenpurtem rongnung NCF Dibrugarh densema lir, iba atemaji Tsüngrem nem tenünsang agütsütsüla," ta paisa ashi.

"Northeast nung mezüng yimsü agizükba yimtiji ghonda ana ser tesadang dang pilar lir, aser Dibrugarh ya kanga tongtibang tesem ka lir. Mezüng yimsü agizükertemji 1847 kum Nockte Konyak aser Aoer ka liasü. Khristan puti otsütemji asentenshi bushitsüla," ta pai ayongzük.

"NCF, Dibrugarh ya Tsüngremi shimtetba lir," ta paisa shisem.

Jubilee kum ya nüchi

anguba kum lir, ta shia pai Jubilee mongertem dang Tsüngrem temeim aser taochi sangdongtsü ayongzük.

"Jubilee amongba mapang nung asenoki asen taküm nung tekümtet tsütsü temelung agütsütsüla. Asenoki tenünsang agüja tang nungi tenzüka kum 100 Jubilee nung rangloker osangtajung proktsüla aser Khrista kuliser kaka akümtsüla," ta paisa ayongzük.

Kasa sentong nung Dibrugarh Deputy Commissioner, Pallav Gopal Jha; Nagaland Mission Movement, Coordinator; Sacred Heart Cathedral, Dibrugarh, Rev. Fr. Nicholas Kerketta aser tangartemi salem osang lemsatepa liasü.

Sentong tetenzüklen tetushi tejaokeri Jubilee kakets sayatsü. Pastor NCF Dibrugarh, Dr. Bendangjungshi-i lokti pelaa agizükba o jembi, Tokaho Awomi leniba nung langzütepa Lai azüng; Pastor NCF Guwahati Peter Thong leniba nung sarasadem aser International Students of Dibrugarh University-i ken ka tena liasü.

## Khristan kiyimba sentong ka nung Taliban-i nisung 3 tepset

**November 01, 2021:** Afghanistan nung Nangahar province kübok Surkh Rod district nung Khristan kiyimba sentong ka nung ken atemba atema Taliban teloki nisung asem tepsetba den nisung ter yirutsü, ta International Christian Concern (ICC)-i metetdaksü.

Taliban otongdar, Zabihullah Mujahid, nisung asemi kiyimba sentong nung timtem agütsü aser par asemji Taliban züngsemtem lir, ajisüaka ken atemba atema nisung tepsettsü temelaba agüja mali, anungji onoki

bushisüngdang tenzüko, ta metetdaksü.

Osangbenertem senden nung jembidang Mujahid-i, "Islamic Emirate nung ken atemba atema tenokdangba mali, ajisüaka ken matemtsü atema mepishitsü akok," ta metetdaksü.

Taliban teloki Afghanistan nung koma yimsü sudar, ta alimai repranga ataba den külemi akhidang ama parnoki Sharia ozüng kübok temerenshi tulu agütsütsü asü, ta repranga ataba mapang nung mapang shia nisung aika tepseter.

Tang Afghanistan nung Taliban yimsütsüba kübok linük nung Khristantem kanga shisabuluteper.

Afghanistan nung Khristantem mimshia dang Tsüngrem külemer aser tang Taliban teloki iba linük agiba ajanga Khristantem reshikangshi ano tamajungba akümtsü, ta bilemer.

Taküm July ita nungi US aser NATO sepaitemi iba linük toktsür aoba sülen Taliban teloki linük agiba ajanga Khristantem, talisa tetsürtem aser tanurtem tamajungba kongshitsü ta bilemer.

## ANOGO ABEN TSÜNGREM DEN

### Tsüngremi ajongli bushir yeremia

*O Israel kidong, iba poteper amai ni ne den inyaktsü makok no? ta Kibubai ashir. Ajiang, poteper ket nung ajongli ama, yamaji nenok kü ket nung lir. Yeremia 18:6*

Ner kibong dangi, ne tembar dangi, ner telok dangi aser nenok lima dangi tekümtet bener arutsü Tsüngremi metetta lir. Aji oda shirnoki Pai amshidaktsütsü mulunga pei taküm yanglushitsü mulunga pei taküm yanglushitsü mulunga alir parnokji Pai bushir. Ajongliji pa sasa pa atema kecha sentong mali, tenzüksü kecha tejangraba mali mesüra tagütsüba mapa inyaktsü kecha nungnanga mali. Ibai ajongli ka dang. Yanglushitsü akokba, amshitetsüba ka dang, master nem bendanga agütsüba oset ka dang lir.

Mapang nung asenoki mulungsoa ashir: "Ni kü tashi, sempet metetogo aser tang ni tajungtiba nung na koda tenzüksü!" Mapang kar nung asenok Pa nem osang agütsür, "Ni kü tashi maittem metetta lir, anungji ni Na asoshi mapa inyaktsü makok." Aji saka ibaji ajongli jaklaji masü. Asen tashi den mapa inyaktsü asoshi Tsüngremi asen tashi kecha latetta meyutsü (2 Kor. 12:9-10).

Pai aginüba ama Pai asenok yanglutsü akok. Kodang Tsüngremi nungloktsüba mapa nung ajemaluba nungdaker, Pai ajemaluba tenzüker bushir. Kodang Pa mapa nung tejangraba tashi Pai Pa Tanela agi süngtsütsü tejangraba tenzüker bushir. Tsüngremi temeshi marok amshiner, anungji shirnoki pei dak aliba memerükba merüktedaktsütsü mulunga alir Pai item nüburji amshir. Ajongli dang alitsüji tamaren mapa ka masü. Meyushitsü asoshi takoksang Tsüngremi bushiba dak alaka iba nung tebur ajungba aser tepuatsü kecha maket.

Tebu dang Pa asoshi nai kechi inyaktsü akok aser kechi inyaktsü makok ta Tebu dang ashitsü ne tebilemba lira, Pai bilemba au ta agizükang aser Pai na koma yangluner yanglutsü Pa dang melaang. Ajongli ama. Po ateper na, ni ajongli. Ni bendanga agüja atar ta shiang.

## 'Christmas with The Chosen: The Messengers' Dec. 1-2 nung sayatsü



**November 02, 2021:** ajungalen nisung aikati Khristmas omen nung repringtettsü atema onoki ajemdaker yangluba 'The Chosen' film theaters nung December 1-2 nung ang sayatsü ajisüaka iba film ajanga Wickham, Maverick City record tasen ka yanglutetogo.

Christmas with The Chosen: The Messengers ya Joseph aser Mary na tsütsülen nungi Yisu Khrista asoba indang film lir.

Film distributer- Fathom Events-i ashiba agi, iba film atema ticket ayok tenzüka sülen mezüngbuba ghonda 12 tsüngda dollar sen million 1.5 jenjang tickets yokogo.

"Iba film ya theater 1,079 nung sayatsü sentong liasü, ajisüaka onoki nisung timba ayimjemtsü atema ano theater 450 dak tema bendenlokogo. Iba film ya screen aika nung sayatsü," ta Fathom Events metetdaksü.

"Christmas with The Chosen: The Messengers' ya 2021 kum atema Christmas event ka asütsü aser lintik tesem

repringtettsü atema onoki screen tulu nung sayatsü," ta Ray Nutt-isa metetdaksü.

Iba film nung music ji Phil Wickham, Maverick City Music, For King & Country, Brandon Lake, We The Kingdom, Cain, Leanna Crawford, Jordan Feliz, Dawson Hollow, Matt Maher, One Voice Children's Choir, Bonner Family & Bryan aser Katie Torwalt nunger indang lir.

Kasa film nung o jembirtemji Chosen actors- Austin Reed Alleman (Nathaniel), Giavani Cairo (Thaddeus), Luke Dimyan (Judas) aser Lara Silva (Eden) nunger lir.

The Chosen ya Yisu aser Pa nütüngtem indang mezüngbuba multi-season television series ka lirs. nung CEO, Ray Nutt-i Productions-i season ana yanglu aser oshi 50 nung meyipzüka liasü. Item series ya iOS aser Android app stores nunga angati repringtettsü.

**OLONG PAITEP # 5985**

1						2				3
								4		
5		6				7				
8										9
									10	
				11		12				
		13								
14						15				
			16							

<b>TIPILEN</b>		<b>LANGTSÜNGLEN</b>	
1. O jembitsü tashi	- 8	1. Tepok telung nung shilem ka	- 7
5. Sängjang tapu ka	- 5	2. Tamajung aküm	- 5
7. Tekanük nung enokba	- 5	3. Chi den külemi achiba	- 3
8. Teka amtep	- 5	4. Meimchir alimai aruba	- 3
12. Tzük asendak	- 5	6. Laishiba nung ayong ka	- 4
14. Tsungpang tema aliba	- 5	9. Tarutsü nükla	- 7
15. Ken atenba yimya	- 5	10. Tamendakdak/Nükjidong	- 4
16. Asangur	- 8	11. Tenük-telen mejungi aküm	- 5
		13. Terok nungi adokba	- 3
		14. Meimchir telemasa	- 3

**OLONG PAITEP # 5984 TELANGZÜBA**

<b>TIPILEN :</b>		<b>LANGTSÜNGLEN :</b>	
1. Taa, 3. Teküm, 6. Aibelen, 7. Aut,		1. Tai, 2. Asensor, 3. Tanü, 4. Kua,	
9. Ajizük, 10. Ojala, 11. Semer,		5. Mitsüksü, 6. Azübenshi, 8. Lah,	
13. Sen, 15. Kloktsü, 17. Itsük, 18. Kar.		9. Jangkok, 12. Akok, 14. Nashi,	
		16. Sür.	



**KIBUR ATEMABO AUPANG ATENBAJI TAJANGZÜK**

**Ak chanu** : Kongik, Kongok, Oja onok nem mama kua?

**Ak tetsü** : Hai nenok mama yaang masü saka kiburi agütsüba chiyungtsü ya meranga Chiangma, kibur Atemabo nenok aupang tener tangar indang rakzüka achibajiang tajangzük asütsü, yamaji mesüra majungtsü.

**Ak chanu** : Kongik, oja kechiba aupang atenbaji tajangzük? Mesüra kechiba majungtsü?

**Ak tetsü** : Ena, joko ni küm 3/4 buba kibur ajangzüksür, anungji ni ajak meteta lir, tang ni nenok ter mepua lir shirnoki aupang tener tangar meyung ajunga rakzüka chiyungdir parnokbo sen jenti agi yakta yoktoktsü, saka shirnoki yamaji mesüi tilala chiyunga kongrazüker lidir, meimchir süoshi tajung agir sentepdak tenla kimai taksüka ter shilem bener aotsü, yamaji nia ter shilem Bener aoba takümakoya. Anungji raktepa chiyungangma, saka parnoka asenok dang hangni meranga raktepa chiyungangni ta shia shia parnok kati kati indang rakzüka chiyunga ajem dang parnok aika tepok waker Alima nungi taküm pila ogo.

**Techanutem** : Kongik, kongik, süra Oja onoki kobala shimtsü?????

**Lilir** : I. Kilang, Ajem, Indisen, Dimapur.

**TANÜBO NAI LANGZÜANG**

Q. DefExpo 2022 atema Ambassadors' Round Table nung shiba menden liasü?

A. Rajnath Singh                      B. Amit shah  
C. Narendra Modi                      D. Anurag Thakur

\_\_\_\_\_ (Taruba adok nung onoki langzüksü)

**YASHI ADOK TELANGZÜBA** : Sept 2020

**AO OSHI ANGAZÜKDAK:**  
**TANÜ ANGAZÜKTSÜBA OJANG**

**Lenimaor**  
(n) tangar memenep, tim atemer (indigent)  
\* Loktiliba nung **lenirmaor** mamadoki yaritsüla.

**Lenir**  
(n) tanishir, len sayur ( leader)  
\* **Lenir** tajungi pei kija ajangzüksü mebilemer.



Tanur asoba anogo nung salem osang den noksa angati adokdaksünura - Tenüng, Küm, School, Talidak & salem osang tejangja zülur, noksa (photograph - any size) ka den anogo 3 mesüra 4 jelia e-mail : tiryimiyim@gmail.com nung yokang mesüra Tir Yimyim bureau tem nung agüjang.

**Tepela Tasoba Anogo**



1. Tenüng : .....  
2. Tasoba anogo: .....  
3. Küm : .....                      4. Class : .....  
5. School : .....  
6. Talidak : .....  
7. Salem osang : .....

**NAI-A YA METETTER MA**

**INDIA NUNG NÜBURTEMI SAPUA ALIBA GARI KAR: OCTOBER 2021**

1. Maruti Suzuki Alto	17,389
2. Maruti Baleno	15,573
3. Maruti Suzuki Ertiga	12,923
4. Maruti WagonR	12,335
5. Hyundai Venue	10,554
6. Kia Seltos	10,488
7. Maruti Eeco	10,320
8. Tata Nexon	10,096
9. Maruti Swift	9,180
10. Tata Punch	8,453



**SUDOKU # 6026                      TELANGZÜBA # 6025**

			5	7	6	9	1			5	8	4	1	2	7	3	9	6
	7		9		4	3	2	5		2	7	9	8	3	6	4	5	1
5	8	9	2	1						1	3	6	9	4	5	2	7	8
2		7	6	5		1		9		6	2	3	7	5	9	8	1	4
					9	2		7		8	4	7	6	1	3	5	2	9
9	1		7			8		6		9	1	5	2	8	4	6	3	7
			8		1		7	3		3	9	8	4	7	2	1	6	5
	6									4	6	2	5	9	1	7	8	3
8	2			6	7	5				7	5	1	3	6	8	9	4	2

**OJANG LUTEP # 5572**

TSINYTEAKÜ :

NTJEI :

KALIA :

GTIBTONANG :

RENMAPA :

ASATAM :

ULUNTEMG :

ÜJAGA :

AKADINYOK :

NGBTAJUA :

**OJANG LUTEP TELANGZÜBA # 5571**

TEJEMBIR NÜKTZÜ DANG NUNGI ANGAA AMENER  
NÜKTZÜJANG KA JIANG SENTIBA

**TAN HOPTA ATEMA - KOMA SÜLA ?**

Q. Tazünger maliba aser tazüngertem aliyonga tazüngertem dang nungi tesayurtemang teimba aliba government school-tembo ajak shibang nunga koma süla ?



Mandi parliamentary constituency by-election atema vote azüngba mapang MLA Sunder Singh Thakur aser Congress züngsemtemi temeyong agi takok temaitsü sayuba noksa nung angur.

### Defence Ministry-i sen crore 7,965 alang hadir alitsü agizükogo

**New Delhi, Yimpoksüi/ November 2 (Agencies):** Defence Ministry-i Mongolbarnü sen crore 7,965 alang arms aser military equipment alitsü atema agizükogo, kong Hindustan Aeronautics Limited dang nungi light utility helicopters 12 alizüksü densema lir, ta official sangdong ka ajanga metetdaksü. Iba ken o ya Defence Acquisition Council (DAC) senden nung agizüka liasü. Helicopter 12 alitsü atema temelaba agütsüba dak alia DAC-i, Bharat Electronics Limited ket nungi Lynx U2 naval gunfire control system aliztsü temelaba agütsüogo aser iba ajanga naval warship tem indang tracking aser engagement capabilities tajungba akümtsü, ta ministry-

isa ashi. DAC-isa Mongolbarnü Hindustan Aeronautics Limited nem Dornier aircraft upgrade südaksütsü agizükogo aser iba ajanga maritime reconnaissance aser coastal surveillance dak sendakba nung naval capacity ajungketsü, ta kasa sangdong ajanga metetdaksü. "Aatmanirbhar Bharat' (self-reliant India) sentong ajungketa bendanglen nungi naval prangbongtem alitsü agizükogo aser item prangbongtem ya Bharat Heavy Electricals Limited (BHEL)-i yangluba super rapid gun mount (SRGM) den bendenloktsü," ta ministry-iashi. Item SRGM tem yagi guided munitions aser range extensions amshia kanga kara

senzüba target tem khateter aser item prangbongtem ya Indian Navy indang warship tem nung amenoktsü. "November 2 nü Raksha Mantri Rajnath Singh lenisüba nung Defence Acquisition Council (DAC) senden amenba mapang armed forces modernization aser tenüngdakba tem alizüksü atema sen crore 7,965 agizükogo," ta ministry-iashi. Tang agizükba ken o tem ajak ya linük nung design süa yangluba osettem amshitsü atema 'Make in India' sentong tenzüker aliba kübok lir. China den Ladakh nung arrtsü dak sendakba nung mangatettep adoker aliba mapang ka nung tang item prangbong aser hadirtem alitsü temelaba agütsüogo.

### Himachal By-poll nung BJP-i menden ka danga makok

**New Delhi, Yimpoksüi/ November 2 (Agencies):** Himachal Pradesh Mandi parliamentary menden nung Congress-i Bharatiya Janata Party (BJP) tsükdaksüogo aser iba den ano Fatehpur, Arki, aser Jubbai-Kothkai nunga Congress-i BJP madak takok nguogo. Congress candidate Pratibha Singh, shiba taoba Chief Minister Virbhadra Singh kinüngtsü lir, lai Mongolbarnü BJP candidate aser Kargil rara nung nüngtugu Brigadier (ret) Khushal Chand Thakur tsükdakja Mandi parliamentary menden kokogo. Virbhadra Singh asüba sülen tang mezüngbuba par kinunger ka election nung toktepogo. Pratibha Singh-i Mandi menden ya vote 8,766 agi koka liasü. Mandi ya Chief Minister Jai Ram Thakur soa ainba district lir aser Thakur atema tetendangba ka liasü. Kasa mapang nung

Congress-i Fatehpur, Arki aser Jubbai-Kothkai menden tema kokogo. Item assembly mendentem ajak rongnung Jubbai-Kothkai menden asoshi Congress candidate Rohit Thakur aser BJP aser Independent Chetan Bragta nunger toktepba ya tongtibangtiba liasü. Bragta ya taoba horticulture minister Narendra Bragta'er jabaso lir, shiba June ita covid dak sendakba tashidak agi asü. Thakur-i iba menden ya vote 6000 agi dang akok. Congress candidate Sanjay Awasthy-i Arki assembly menden ya vote 3,277 agi akok aser kasa mapang nung Fatehpur Congress candidate Bhawani Singh Pathania-i vote 5,652 agi BJP candidate Baldev Thakur koka liasü. Mandi parliamentary aser assembly menden asem atema by-election ya October 30 nü agi. MLA aser MP tem asüba sülen item mendentem atema election agitsüsa aküm.

BJP MP Ram Swaroop Sharma, March 17 nü Delhi nung par kidang sür lia ngutetba sülen Mandi menden ya tazüng aküm. Taoba state minister and Fatehpur Congress MLA Sujan Singh Pathania, taoba minister aser Jubbai-Kothkai MLA Narinder Bragta aser taoba chief minister aser Arki MLA Virbhadra Singh nunger February, June aser July ita asü.

### Anil Deshmukh ED custody-i yokogo

**New Delhi, Yimpoksüi/ November 2 (Agencies):** Mumbai nung sessions court kati taoba Maharashtra home minister Anil Deshmukh November 6 nü tashi Enforcement Directorate indang custody nung ayutsü tetuyuba agütsüogo. ED-isa, Nationalist Congress Party (NCP) lenir ya parnok ket nung ano anogo ishika talila ayutsü temelaba meshiogo, shiba dang Hombarnü ghonda 12 shi ken o balala ashishiba sülen puogo. Okadak ajanga Deshmukh-i pa ED custody nung ayuba mapang par kidang nungi chiyongsü aser mozü bener arudaktsütsü mepshiba aser ED-i pa dang ken o ashishiba mapang pa okatsür dena shilem agidaktsütsü mepshiba agizükogo. Deshmuk ya Prevention of Money Laundering Act (PMLA) kübok section balala nung aija puogo. Pa additional sessions judge PB Jadhav matsüngdang nokdak, shibai special holiday court len ania liasü. Kasa mapang nung Additional Solicitor General of India (ASG) Anil Singh aser Hiten Venegaonkar na Enforcement Directorate tenüng nung aser senior counsel Vikram Chaudhary aser Aniket Nikam na taoba Maharashtra home minister tenüng nung nokdaka liasü. Central Bureau of Investigation (CBI)-i, sübokrem

agiba, ochi mashi inyakyim aser taoba Mumbai police commissioner Param Bir Singh-i pa anema jembiba dak sendakba nung ozüng alema inyaksangshitsü merangba atema Deshmukh anema FIR ka benok. Police commissioner Param-i ashiba agi, NCP lenir yagi ita shia Mumbai nung hotel aser bar tem nungi sen crore 100 sarutsü atema assistant inspector Sachin Waze dang asüngdang liasü. FIR benokba sülen Deshmukh April ita mapa nungi anen. CBI-i ken o benokba dak ajemdaker ED-i bushisüngdang tenzüka liasü. Kasa mapang nung NCP lenir Nawab Malik-i Mongolbarnü ashiba agi, Deshmukh anema jenjang agiba ya yimden yimsüsüba dak sendaka lir aser Maharashtra nung tang yimsü süa aliba party asem tenüng menüktütsü atema lir. Arishi küm 71 tain Deshmukh ya Hombarnü ED matsüngdang nokdaka liasü. Taoba mapang ken o ashishitsü atema jaokba aiben thitsüba sülen pa dang Hombarnü ED-i ken o ashishio. Yashi video osang ka ajanga pa anema ken o benoka alibatam ajak ya tai, ta pai shiogo. ED-i pa jaokba anema temepishiba ka benokba Bombay high court-i Hokolbarnü magizükba sülen NCP lenir ya Enforcement Directorate matsüngdang nokdaka liasü.

### Taoba Punjab CM Amarinder Singh-i Congress toktsüogo

**New Delhi, Yimpoksüi/ November 2 (Agencies):** Taoba Punjab chief minister Captain Amarinder Singh-i Mongolbarnü Congress party toktsüogo. Congress tir Sonia Gandhi dangi pai party toktsüba metetdakja züluba shiti nung Amarinder Singh-i, state aser kü linük tejangraba nung ni party toktsür ta ashi. "2017 küm Vidhan Sabha nung menden 117 nungi 77 koka ni party takok dangi ani, koba 1966 kü state kümteter takok tulutiba liasü. Linük ajunga BJP-i amokbanger aoba mapa 2017 küm ni mapa agizükba sülen kü lenisüba nung party-i Lok Sabha menden 13 nungi 8 kokogo. Onoki corporations aser municipal election ajak akok aser panchayat election asem nung ana kokogo. Onoki Punjab Vidhan Sabha indang bye-elections-a pongu tashi kokogo," ta Amarinder Singh-i zülutsü.

Congress party toktsüba sülen pai pa indang party; 'Punjab Lok Congress' nüngja sangdonga liasü. Amarinder Singh-isa Twitter ajanga par party züngoksemstsü atema Election Commission temelaba atadar, ta ashi. State Congress tir Navjot Singh Sidhu den mangatettep tulu adoker aliba mapang ka nung Amarinder Singh-i September ita Punjab chief minister mapa toktsü. Punjab nung 2022 küm assembly election agitsü lir. 2017 küm assembly election nung Congress-i menden 77 koka absolute majority angu aser SAD-BJP sorkar-i küm 10 tashi yimsüsüa arua aliba atsüngtok. Iba election nung Aam Aadmi Party-i menden 20 koka parnok tanabuba jenjang nung liasü. Kasa election nung Shiromani Akali Dal (SAD)-i menden 15 akok aser BJP-i menden 3 dang koka liasü.



Guwahati nung All Souls day amungba mapang nun temi leper ka nung asürtem nem tetushi agütsüba noksa nung angur.

# Kabul military hospital nung nisung 15 pokset Ukraine-i arütsü ken o jangjashitsü



Afghanistan yimtiba, Kabul kübok Wazir Akbar Khan tesem nung Mongolbarnü mozüki ka nung bomb tesashi ana poklokja nisung 15 asü aser 34 yirua liasü. Iba lendong nung yiruba nisungtem anasa aliba mozüki danga kati anir aoba noksa ka yangi angur.

**Kabul, Yimpoksüi/November 2 (Agencies):** Afghanistan indang military hospital tulutiba nung bomb ana pokdaksüba den injang khaa amakba sülen nisung 15 asü aser nisung 34 yiruogo, ta tenük kuli agütsürtem aser Taliban ketdangsürtemi Mongolbarnü metetdaksü.

Interior ministry otongdar Qari Saeed Khosti-i, bomb ya Sardar Mohammad Daud Khan mozüki kikümtong nung pokdakja liasü, ta ashi. "Iba tesemi security forces tem yongogo," ta pai Twitter ajanga metetdaksü.

Mozüki anasa alirtemi noksa lemsatepba nung central Kabul

kübok Wazir Akbar Khan tesem nung bomb apokba nungi mokozi adokba nguogo.

Iba mozüki amakba tang tashi nung telok kati danga nangzuka mali. Ajisüaka tenük kuli agütsürtemi ashiba agi, Islamic State telok nungi züngsemtem mozüki-i ai aser security force tem den mangatettep adoka liasü, ta official Bakhtar news agency sangdong ka ajanga metetdaksü.

August ita anüolen aliba linüktemi teyari agütsüba sorkar atsüngtoka Taliban-i Afghanistan amokbangba sülen telok balali tesem balala maka nisung tepsetba nung Mongolbarnü tatalokba yaa

bendenloksemogo aser iba ajanga parnoki security azüoka lir ta ashiba den meputepba sayur.

Taliban-i Kabul amokbangba sülen Islamic State züngsemtemi mosque aser tanga tesemtem aika maka arudar. Parnoki 2017 küma iba mozüki amak aser nisung 30 dak tema tepseta liasü.

Mozüki nung inyaker health worker kati ashiba agi, pai bomb apokba ola tulu ka angashi aser iba sülen minute anashi injang akhaba ola angashia liasü. Iba sülen minute ter shi lir ano bomb ka apokba ola angashi.

Ajisüaka, bomb ya mozüki telung nung apoka asü kong apok ajibo pai mejangja ta ashi.

**Keiv, Yimpoksüi/November 2 (Agencies):** Ukraine arrtsü nung Russian nunger military jenjang tali ajungketdar ta osang prokshiba Ukraine-i magizük. Iba osang ajanga pro-Moscow separatists tem den asendenshir rara tenzüksü ta tetsübu bendenloksü.

Tawa social media nung video balala inoktsüba nung Ukraine arrtsü anasa Russia anüdok tiplen Russia nunger military trains aser truck convoy tem nung tank aser missile tem belenba sayua liasü.

Pentagon otongdar John Kirby-i Hombarnü osangbenertem dang, parnoki tensa kanga kümdanga asadangdar ta ashi aser Washington Post-ia, US ketdangsürtem iba tatalokba dak sendakba nung shisabulua bilemer ta sangdonga liasü.

Ajisüaka Ukraine defence ministry-i Hombarnü ashiba agi, arrtsü anasa Russia nunger sepaia talila yokba jangjaa mali.

Ministry-isa, video tem ya Russia nunger military exercise ka sülen sepaitem senzusenpongba sayuba asütsü akok, ta ashi.

Kremlin otongdar Dmitry Peskov-ia Mongolbarnü iba osang ya aitsüogo aser ashiba agi, iba amala jenjang maketba osang prokshiba nung mapang

intoktsü kecha nungdak madoker.

"Onok indang military equipment aser army unit tem senzusenpongji onok jurila inyakyim lir. Russia-i shinga amokmerena mali," ta pai osangbenertem dang ashi.

Ukrain army tang pro-Russian separatists tem den mangatettep adoker aliba mapang ka lir. 2014 küm Moscow-i Crimea atsüngba sülen pro-Russian separatists tem ya poktet.

Taküm küm tetenzüklen mangatettep adokba sülen Russia-i March ita Ukraine arrtsü sepaia 100,000 shi yok aser iba ajanga mangatettep tulu adoktsü akok ta tsüba bilema liasü.

Kiev nem teyari agütsüba linüktemi nongshiba sülen Moscow-i sepaitem ya anin, saka iba mapang nung Ukraine aser United States napronglai sepaitem ishika dang anin ta ashi.

Kasa mapang nung Ukraine military-i Mongolbarnü, separatists temi army amakba sülen sepaia ka tepsetogo, ta ashi.

Iba mangatettep nung nisung 13,000 dak tema süogo aser taküm küm tang tashi nung Ukraine sepaia 59 tepsetogo, koba taoba küm 50 dang liasü. Separatists temia parnok sepaia 40 shi asüba metetdaksüogo.

# Linük 100 dak temai 2030 tashinung arem chidokba anentsü nangzük

**Glasgow, Yimpoksüi/Nov. 02 (Agencies):** Linük 100 dak temai 2030 küm tashinung arem samadaksüba maparen anentsü nangzük aser arem wazüka ayuba aser arem tanaben adokdaksütsü atema sen billion \$19 indoktsü.

Glasgow nung COP26 tzi-mopung indang jembishinu senden nungi Hombarnü menur sandongba nungya Brazil, Russia, Indonesia aser Democratic Republic of the Congo lenirtemi nungiter. Alima nung aliba arem shilem 85 shi item linüktem meyoktepba agi ajunger.

Glasgow Leaders' Declaration on Forest and Land Use yagi arem tasazük square kilometres million 33 (13 million square miles) dak tali awajemtsü, ta lenirtem tenung nung British ato kilonser indang office nungi sangdongba nung shia lir.

"Tzi-mopung madak takok angur ama mapang talangka nungi otsü yanglua aruba tembangtsü asenoki maongka angutsü, aser asen kibur akumtsü," ta Britain Ato Kilonser Boris Johnson-i ashi.

Iba nukjidong tongtettsü atema sorkar aser nija indang sentonga kar Mongolbarnü saya, aser item rongnung arem anüker Indigenous nisungtem nem sen billion aika agütsütsü aser tzi-mopung nung timtem magütsü aluyimba yimyatem

amshitsü dena lir. Arem yagi carbon dioxide shilem 30 shi atsüoker, ta World Resources Institute (WRI) ajanga ashir. Alima nung aliba tango tamajung ya arem temi agir aser tzi-mopung tatsükba akumba nungi nokdangar.

Ajisüaka iba tzi-mopung basasa azüokba ya sama aor. 2020 küm alima nung arem tasazük 258,000 square kilometres (99,600 square miles) sama, ta WRI indang deforestation tracking initiative Global Forest Watch ajanga ashir. Ibaji United Kingdom dang tuluba alitsü.

Hombarnü nangzüktepba ya 2014 New York Declaration on Forests nung shilem ka ama linük 40-i nangzüktepa aliba den sako lir, aser iba nukjidong tongtettsü atema rongsen tali indoktsü.

Indonesia Tir Joko Widodo-i ashiba agi, par linük indang arem min tulu, tzi anasa süngtonglitong (mangroves), tziyim aser peatlands ajanga tzi-mopung melenshia aoba nung tazüokba agütsür.

"Tarutsü putu atema item tongtipang carbon sinks ya wazüka ayutsü asoshi bendanga agütsür inyaker," ta pai ashi.

Iba tezüngzüktep kübok UK densema linük 12-i tang terenlokdak linüktem (developing countries) yaritsü atema 2021 aser 2025 tsüngta

sen billion \$12 agütsütsü, aser yangji raksar aliba alinük tanaben yanglushitsü aser morok mi nungi jenbuttsü mapatem inyaksü densema lir.

Ano maneni Aviva, Schroders aser AXA densema nija meyong investor 30 dak temai sen billion \$7.2 agütsütsü.

Sen trillion \$8.7 shi rongsen aliba investor temia 2025 küm tashinung arem chidokba dak sendakba maparen nung senotsü indokba anentsü nangzük.

UK aser US densema linük pungo aser ano global charity telok kati lisopuri arem wazüka ayuba aser parnok ali temeden tashi itshitsü atema yaritsü asoshi sen billion \$1.7 agütsütsü Mongolbarnü nangzuka liasü.

Arem wazüka ayurtem rongnung lisopur tajungtiba, ta

arem aser tzi-mopung asadanger temi ashir.

Ano sen trillion \$8.7 dak tema aliba financial institution 30 dak temaia mamatzü agütsüba shiruru, palm oil, soy aser pulp production dak sendakba deforestation 2025 tashinung samadaksütsü atema akok tashi inyaksü, ta ashi.

Alima nung industry balala mamenokdang aliba dang nungi 1.5C (2.7F) agi tatsükba nung alima atsükba anendaksütsü nukjidong mesamadaksütsü COP26 yagi meranger. Iba nukjidong tongtettsü atema arem ya kanga tongtipang lir, ta scientist temi ashir.

2011 küm nungi tenzuka arem yagi küm shia carbon tonnes million 760 shi samadaksür, koba fossil fuels

asere cement nungi adokba carbon dioxide shilem 8 shi den kasa lir, ta Biomass Carbon Monitor project ajanga nungitba data analytics firm Kayros aser French research institutions ajanga ashir.

"Asen biosphere yagi tang atema alima tatsükba akumba nungi kumzuka ayuba nung yarir, saka itemji teti atema masü," ta University of Leeds, UK nung ecologist Oliver Phillips-i ashi.

Industrial scale nung süngtongtem atsünger, aser Brazilian Tir Jair Bolsonaro'er sorkar küboka Amazon nung kasa ji inyaker.

Ano küm ter tashi arem chidoktsü mapang agütsüba atema Greenpeace-ibo Glasgow nung inyakyim ya aitsü.



Nigeria nung yimti tulutiba, Lagos nung tang t e y a n g l u d a k storey 22 building ka Hombarnü chirepa nisung tajemba agi ter asü aser aika samar bushir. Jana telung nungi nisung ola angashir aser nisung tuko takum atsütetogo, ta tekumzükertemi ashi.

# Mr & Miss Northeast nung Nagaland-i title balala angu



Guwahati, Yimpoksüi/November 02, 2021: ITA Machkhowa, Guwahati kübok ayongba Mr & Miss Northeast sentong nung category balala nung takok angurtem külemi tangokba noksa ka yangi angur.

**Dimapur, Yimpoksüi/ November 02, 2021 (TYO):** Deobarnü (31.10.2021) ITA Machkhowa, Guwahati nung 4buba Mr & Miss Northeast sentong ayonga agiogo. Nagaland Mega Entertainment (NME) sangdong ka ajanga angazükba agi, iba sentong nung Nagaland-i title 5 aser subtitle 8 takok angu.

**4buba Mr & Miss Northeast tetoktepha nung Nagaland tenüng nung category balala nung takok angurtem yamai alitsü:**

- Mr Northeast 2021: Awiesie Kajiri Pochury (Nagaland)
  - Miss Northeast: Rosalen Yanthan (Nagaland)
  - Miss Tourism: Zuchano Kikon
  - 1st runners up: Miss Inavili Achumi (Nagaland)
  - 1st runners up: Mr. Tonoto Zhimomi (Nagaland)
  - Mr Spark Brand ambassador: Mr. Tonoto Zhimomi
  - Miss Spark Brand Ambassador: Miss. Inavili Achumi
- \* Subtitles**

- Mr Popularity: Tonato Zhimomi
  - Miss popularity -Inavili Achumi
  - Mr Physic - Akhumba Sangtam
  - Miss Glowing skin - Zuchano Kikon
  - Best Ramp Walk - Mr. Awiesie Kajiri Pochury
  - Best Ramp Walk : Miss Rosalen Yanthan.
- \* Best ramp walk nung takok angurtemi Asian fashion week 2022 nung runway model ama shilem agitsü.**

- Miss Glamour - Inavili Achumi

Takok angurtem India tenüng nung shilem agitsü aser International Beauty Pageant 2022 nung direct entry angutsü. Iba den külemi National level & promotional shoots nunga parnok direct entry angutsü, ta Nagaland Mega Entertainment, President, Samuel Achy Phom-i metetdaksü.

Mr & Miss Northeast 2021 sentong nung tetendanger temji fashion designer Nishant Agarwal, nüngtugu model, Liza Deb, Delhi nung professional model Gureet Kajwa, Assamese film industry nung nüngtugu kentener Priyanka Bharali, fashion designer, Sanjay Guha Chowdhury aser NE indang event promoter aser fashion stylist Dipankar Kasyab nung liasü, ta kasa sangdong ajanga metetdaksü.



**SHALOM PUBLIC SCHOOL**  
Chumoukedima-797103, Dimapur, Nagaland  
CBSE AFFILIATION NO - 1430024

**ADMISSION NOTICE 2022-2023**  
Forms available for Nursery to Grade 8 during office hour (9am - 2 pm)

**SPECIAL FEATURE**

1. XSEED curriculum	2. Trekking
3. Counselling class	4. Fully equipped library(AC room)
5. Computer class(AC room)	6. Smart class
7. Indoor/outdoor play area	8. Bus service
9. Children summer camp	10. Educational tour
11. Fully equipped science lab	12. Zumba & physical education
13. Music & Arts	

CONTACT - 6909621687 / 9436070374  
spschumokedima@gmail.com  
www.spschumokedima.simplesite.comwww.shalomeducationaltrust.org

**EVERY CHILD IS A STAR**

**In the Court of  
Principal District & Sessions Judge  
Mokokchung: Nagaland**

S/C NO. 198/2021

**NOTICE**

**NOTICE INVITING CLAIMS/OBJECTIONS OF OTHER CLAIMANT(S) FOR ISSUE OF SUCCESSION CERTIFICATE UNDER PART-1 OF INDIAN SUCCESSION ACT 1925**

Whereas application under Succession Act 1925 for grant of Succession Certificate for the estate/pension benefits of Late Imtionen has been applied by Smti. Pangjungkoka W/o Lt. Imtionen R/o H.No. 32 Merangkong Adoc Town, Mkg. Nagaland for possession of:  
Family Pension, P.P.O No. 111713046, Closing of A/c.

Notice is hereby given that any person having interest in the administration of the estate/pension benefits of the said deceased may if she/he so desire appear in this court on or before the said day of 22.11.2021.

Given under the hand and seal of the court on this the 22.10.2021.

**Sd/-  
Principal District & Sessions Judge  
Mokokchung: Nagaland**

## Wokha DTF senden menogo

**Wokha, Yimpoksüi/ November 02, 2021 (TYO):** Mongolbarnü, Deputy Commissioner, Conference hall, Wokha nung ita shia ayonga agiba Wokha District Task Force for COVID-19 senden mena liasü. Iba senden nung tekümdangtsü meratem agitsü aser Covid-19 wave tasembuba atema renemshia atatsü onüktem benoka jembi, ta sangdong ajanga metetdaksü.

Deputy Commissioner & Chairman District Task Force (DTF) for COVID-19, Wokha Orenthung Lotha, iba senden nung menden liasü aser; PM Care aser Deputy Chief Minister, Y. Patton akhüm kübok District Hospital nung Oxygen Plant aser X-Ray machine tenla agütsüba atema, pai pelaba metetdaksü.

Pai, item machine amshitsü atema high voltage power supply nüngdaker aser power tulu agütsütsü atema 200KVA transformer talila ka nüngdak, ta shishem. Iba dak sendakba nung, Lotha-isa, E.E. (Power), Wokha-i Medical department nem DPR agütsüogo, koba mapa küma inyaksü asoshi temulung agüja inyaksüla, ta ashi aser nüngdakba senotsütem takaratiba nung agütsütsü asoshi Medical department dang mepishiogo.

Covid-19 dak sendakba nung tesem balala semdanga tekümdangtsü osang sangdongba aser vaccine agiba tajangzüktem nüburtem dang metetdaksüba atema, Lotha-i biker group dang pelaba metetdaksü; aser district nung vaccine magii alirtem dang vaccine agiadoktsü asoshi pai ayongzük.

Maneni, Chief Medical Officer, Wokha-i, district nung Covid-19 inyakyim indang telok dang metetdaksüba mapang, pai ashiba agi, tanü tashi district nung nütsüng yongsük shilem 66% nem vaccine agütsüogo aser tanünga shilem 33% nem vaccine agütsütsü asoshi DTF-i maparen achaayanga inyakdar, ta telok dang metetdaksü.

## Mission Mode Team-i district asem nung Awareness Campaign ayongzük

**Dimapur, Yimpoksüi/ November 02, 2021 (TYO):** Mission Mode Team (Accessible India Campaign) den Office of the State Commissioner for Persons with Disabilities longjemer State Sorkar ketdangsurtem atema 'Rights of Persons with Disabilities (RPwD) Act 2016' nung Sensitisation & Awareness Campaign sentong ayongzükja liasü, ta sangdong ajanga metetdaksü.

Iba Campaign indang shilem tanabuba ya October 28 nungi October 30, 2021 anogo tashi Zunheboto, Longleng aser Mon District tem nung ayonga agiogo. Kasa campaign indang mezüng shilem ya Kohima, Dimapur, Peren aser Wokha nung agia liasü.

Commissioner & Secretary to the Government of Nagaland, K.Libanthung Lotha, IAS lenisüba kübok Mission Mode Team-i iba campaign agi.

Lotha-i iba campaign indang nükjidongtem tem metetdaksü, kong State sorkar ketdangsurtem den lokti tentet balala aser tekolakpur tem dang 'Rights of Persons with Disabilities Act 2016' indang metetta lidaktsütsü asoshi tesayuba agüja aser mapa inyakba tesemtem nung tenokdangba/tebendang kecha

mekai matamabensar nem maongka kasa agütsütsüla, ta pai ashi.

State Commissioner for Persons with Disabilities, Diethono Nakhro-i, RPwD Act 2016 indang provision balala telok dang rasa ashi aser tang State nung khenyongi dang magizükteba inyakyimtem, kong matamabensartem kecha nunga mezüngokba aser parnok nem maongka magütsüba indang tebilemtsü tem metetdakja liasü.

RPwD Act mapa küma inyaksü asoshi, Nakhro-i district administration aser department balala indang inyakyim aser maparen tem telok dang rasa ashi.

RPwD Act 2016 mapa küma inyaksü asoshi Court ajanga agütsüba tetuyubatem Apila Sangtam, Advocate, Guwahati High Court, Kohima Bench ajanga metetdaksü.

Apila-i, department balala ajanga mapang shitak nung iba Act nung anidaktsü asoshi metetdaksü aser iba Act nung manidakra State Sorkar atema ozüng agi melaba ama temerenshi aliba indang telok dang rasa ashi.

Mission Mode Team (AIC) ya Nagaland Sorkar ajanga tentet aser iba team nung, Team Leader K.Libanthung

Lotha, IAS, Commissioner & Secretary, Member Secretary Er K. John Mera, Executive Engineer Social Welfare & WRD; aser züngsemtem Nungsangwati, Senior Architect, Chief Architect's Office NPWD, aser Tarachu Fithu, Joint Director Urban Development. K. Wango Langsym, Asst Director aser Nodal Officer (AIC) Social Welfare ya associate member ka lir.

Maneni, tanünga district tem nunga iba campaign ayonga agitsü sentong lir, ta kasa sangdong ajanga metetdaksü.



Zunheboto, Longleng aser Mon district tem nung State Sorkar ketdangsurtem atema Mission Mode Team-i 'Rights of Persons with Disabilities' (RPwD) Act 2016 nung Sensitisation & Awareness Campaign ayonga agiba mapang tangokba noksa yangi angur.

# Khaibung nung 1buba Volleyball asayamung tenzükogo Abu Dhabi nung asayatsü bilemdar: Nadal



Dimapur, Yimpoksüi/November 02, 2021: Ten Villages Council Union, Medziphema Block ajanga ayongba 1st Volleyball Tournament lapokba sentong nung alakteta tejaoker, Zhaleo Rio, Advisor, Govt of Nagaland-i jembiba noksa nung angur.

**Dimapur, Yimpoksüi/November 02, 2021 (TYO):** Mongolbarnü, Medziphema Block kübok Khaibung yim dak 'west village' 10 atema 1buba Volleyball asayamung tenzükogo. Iba asayamung lapokba sentong nung Alakteta tejaoker ama Zhaleo Rio, IAS (Retd.), Advisor, Sericulture, Excise & Minority Affairs, Govt. of Nagaland dena liasü, ta sangdong ajanga metetdaksü.

Ten Villages Council Union ajanga ayongba Volleyball asayamung lapokba sentong nung, Zhaleo-i, lanurtem dang saisapong wadang nung bendanga agüja shilem agitsü aser tawa tanü saisapong dak sendakba training balala nung maongka ama adentsü asoshi tetuyuba agütsü.

"Saisapongertem pei dak aketba sempet sayutsü aser tejakleni aotsü atema mapang agi tongogo, ajiasünungang jenjang mashi ka nung alimai parnok jangjatetsü," ta pai ashi.

Lennirtem, coach, rejutem, yimtsüngtem den külemi tsüraburtemi chirnurtem sempet nung tejangraba sayutsüla aser taküm nung nükjidong atalokdaksütsü asoshi parnok (chirnurtem) nem tim tesayuba agütsütsüla, ta pai shisem.

State sorkar mesüra tanga tentettem den ajuruteptsü asoshi nübu teyari agütsütsü mulunga

dang lir, ta Zhaleo-i nangzük; ajisüaka "bendanga agüja asayartem aser asayar tajungtem dang yaritsü" ta pai tekümdangtsü agütsü aser iba dak sendakba nung pai saisapongertem dang meranga inyaksü ajungshiba mapang, Thomas Edison indang nüngtugu olen, "Success is 99% perspiration and 1% inspiration," nung anidaksü asoshi ayongzüka liasü.

Zhaleo-isa Tokyo Olympics 2020 asayamung indang atishia telok den jembia liasü, kong Manipur aser Assam nungi India atema medal takok angur athlete temi item medal mangudang küm aika anibelem ajak arema meranga inyakba indang telok dang ashi; aser "saisapong nung tejakleni aotsü asoshi temulungtetba aser bendanga agütsübaji ajak dang tongtibangtiba," ta metetdaksü.

Medziphema nungi Punglwa tashi lenmang majungba indang jembiba mapang, Rio-i taoba mapang teinyakertemi senotsü ochishishia ketdang masüba aser tebilemba tem matalokba ajanga tanü iba lenmang jenjang yamai lir, ta metetdaksü.

Terenlok maparen tsütsü tamakok maludaksüi inyaksü asoshi lephia ashiba mapang, Zhaleo-i, 'official procedure' tem teinyakdak lir, koba mapang

tetemjen nung iba lenmang yanglushitsü asoshi maparen tem takok ngua inyaktetsü aser iba maparen kübok Medziphema - Punglwa - Ngalwa - New Chumoukedima/ NH 29 tem ayimjema inyaksü, ta ashi.

Zhaleo-i, nüburtemi ochi meimtsüla aser ochi nung ajemdaker inyaksüla, iba den külemi aremzüksü aser bilemdangtsü nüngdaker, ajiasünungang lokti nung yimjung aser tesünap alitsü; aser ibaji ajanga nübur tejakleni aoba den terenlok alitsü, ta ashi.

Iba asayamung lapokba sentong nung, Sutminlal Vaiphei, Gen. Secretary, Ten Villages Council Union (TVCU) menden liasü. Tsüngremer temoatsü meshizüka, Khaibung Baptist Church, Pastor, Henjakai Chongloi-i sarasademtsü aser Medievi Zhünyü, President, TVCU-i telok pela agizükba o jembi.

Kasa sentong nung Bungsang nungi Rosalien Zhimomi-i ken ka aten aser Kuki troupe temi sobaliba tsüngsang ka sayu. Henjakai Singson, G. B. Sirhima (Kuki), Advisor, TVCU-i tepela anküp o jembi aser iba sentong tembanga New Socünoma Baptist Church, Pastor, Megozhakho Hozoye-i sarasadem, ta sangdong ajanga metetdaksü.

**Paris, Yimpoksüi/November 02, 2021 (Agencies):** Sangküm (2022) Australian Open asayamung atema renemshitsü nükjidong nung, taruba ita (December) Abu Dhabi kübok exhibition asayamung ka nung shilem agitsü tebilemba lir, ta world no. 5 Rafael Nadal-i ashi.

Taküm küm tetenzüklen, Nadal terberem nung timtem ajangshia liasü aser iba timtem ajanga pai Wimbledon aser Tokyo Olympics nung shilem magii. August ita, Nadal-i Washington kübok Citi Open nung tesüsa shilem agiogo. US Open asayamung metenzükdanga, Nadal-i pa tetsüng abilen timtem aliba ajanga taküm küm tanüngba asayamung ka nung danga shilem magitetsü ta osang sangdongogo liasü.

Hombarnü (01.11.2021), Nadal-i December 16 nungi 18, 2021 tashi asayatsü aliba Mubadala World Tennis Championship exhibition asayamung nung shilem agitsü akok, ta ashi.

"Sangküm Australian Open masayadang, taküm December ita Abu Dhabi aser ano asayamung ka nung shilem agitsü asalentong yangludat. Asayamung anaprongla nung

asayatsü kü tebilemba lir aser asayamung nung shilem agitsü lenmang adoktsüsa asalentong yangludat," ta Paris nung sponsor sentong ka agiba mapang Nadal-i ashi.

"Tennis asayamung nung tanaben shilem agitsü asoshi anogo/mapang tejangja kabo meshitetsü, saka December ita Abu Dhabi nung asayatsü tebilemba lir aser sangküm January ita season tasen nungi asaya tenzüksü bilemdar," ta pai ashi.

Tetsüng yirur aliba tajungba akümtsü nüngdaker aser anogo nung ghonda ka ser tesadangka training agidar, ta Nadal-i shisem.

Sangküm January ita Australian Open asayamung nung Nadal-i 21buba major title (tebur) takok angutsü tebilemba nung shilem agitsü. Australian Open ya January 17, 2022 nungi tenzüka asayatsü.

Maneni, Australian Open dak sendakba nung, Victoria Premier Daniel Andrews-i, Ato Kilonser, Scott Morrison-i osangbener (local media) dang anogo 14 quarantine nung amungba sülen ang iba asayamung nung tokteptsü akok ta ashi yongjia, vaccine magii alir tennis asayartem iba asayamung nung shilem agitsü memelatsü, ta pai ashi.

## AR-i Zubza nung Football asaya ayongzük



**Kohima, Yimpoksüi/November 02, 2021 (TYO):** 'STAY FIT, STAY HEALTHY - KHELO INDIA KHELO' mapatong kübok, HQ IGAR(N) Assam Rifles - Ghaspani Battalion-i Zubza Town indang lanurtem aser kaketshir tentet tem den longjemer Mongolbarnü, Don Bosco School play ground nung Friendly Football Match ayonga asayaogo, ta sangdong ajanga metetdaksü.

Iba football asaya nung, lanurtem aser Assam Rifles team nungi nübu 56 agi shilem agia liasü.

Lanurtem tsüngda saisapong ajanga temang anepalubaren aser anema alitsü inyakyim ajungketsütsü nükjidong yur iba asaya (friendly football match) ayongzükba atema lanur aser kaketshir temi Assam Rifles dang pelaba metetdaksü, ta kasa sangdong nung shia lir.



Noklak, Yimpoksüi/November 02, 2021: 'Fit India Movement & Khelo India' mapatong ajungketsütsü nükjidong nung 'Ek Bharat Shreshtha Bharat' campaign kübok Hombarnü (01.11.2021), Noklak nung Khamniungan lanurtem den Assam Rifles-i friendly volleyball match ayongzüka liasü. Iba friendly volleyball asaya nung takok angur team nem sempet agütsüba yangi noksa nung angur.

## Boxing World Championships: Akash Kumar semi final-i iogo

**Belgrade, Yimpoksüi/November 02, 2021 (Agencies):** Mongolbarnü, Men's Boxing world championship asayamung tebur quarter final nung, Akash Kumar (54kg)-i Rio Olympic nung silver medal takok angur Venezuela nunger Yoel Finol madak 5-0 agi takok ngua semi final tongogo.

tebur rongnung medal takok angur rongnung Kumar boxer tenetbuba kümogo.

Arishi küm 21 tain Akash, shiba national champion ka lir, pai quarter final nung junga asaya liasü aser pai ayong ayonga dang 5-0 agi Olympic nung medal angusang Yoel tsükdaksü.

Iba World Championship asayamung nung India nung

Brehostibarnü, Akash-i Kazakhstan nung Makhmud Sabyrkhan den semi-final asayatsü.

**BILEMDANGANG**  
"Sannüker kati san yimya meteta manishira paji sannüker masü."